

去捲簾師曰一得一失

黃袍索酒笑微微胸次誰窺太乙機一自先生題
破後酒樓黃鶴不曾歸

懷安軍雲頂山德敷禪師成都帥請就衙陞
座有樂營將出禮拜起回顧下馬臺曰一口
吸盡西江水卽不問請師吞卻階前下馬臺
師展兩手唱曰細抹將來營將猛省

吞卻階前下馬臺眼如炮火氣如雷山僧亦有犀
文甲不是將軍帶得來

洞山聰因僧問既是泗州大聖爲什麼在楊
州出現師曰君子愛財取之有道

草間曾見雙蛇鬪書法歸來便可傳無事閒持浣
東絹淋漓爲你逼張顛

慈明冬日榜僧堂此字。二二二三几羽拙

其下注曰若人識得不離四威儀中
神珠一粒明如月黃帝親沉赤水隈罔象已曾探
得去老漁辛苦抱繒來

瀉山見尼劉鐵磨來師曰老特牛汝來也磨